

古
今
詞
統

古今詞統卷十二

卓人月月老彙選

杭州

徐士俊野君叅評

滿江紅

蔣捷

一。柳。鄉。心。付。杳。杳。露。莎。烟。葦。來。相。伴。淒。然。客。影。謝。他。
窮。鬼。新。綠。舊。紅。春。又。去。少。玄。老。白。人。生。幾。况。無。情。世。
故。盪。摩。中。凋。英。偉。詞。場。筆。行。羣。蟻。戰。場。胃。藏。羣。蟻。
問。何。如。清。晝。倚。藤。凭。棐。流。冰。青。山。屋。上。下。京。背。壺。酒。

瘦筆既勝
肥腸狂透
瘦筆既勝
肥腸狂透

疎貧二句
可銘座右

言
船頭尾任垂涎，斗大印黃金。狂周顛。

蟻蟻俱上聲

秋旅

蔣捷

秋本無愁，奈客裏秋偏。岑寂身老大，忻敲秦缶，懶移
陶甕。萬誤會因，處起一閒。且向貧中覓笑，新來多
事，是征鴻聲嘹唳。雙戶掩，孤燈剔，書東架，琴懸壁。
算人間無此小窗幽閒，浪遠微聽，葭葉響雨，殘絃數
梧桐滴。正依稀夢到故人家，誰橫遠。

陸游

危磔朱闌登覽處，一江秋色。人正似征鴻社燕，幾番

織此段絲
以爲七結

心多感音

可疑中郎

之蘇女絲

矣

長使英雄
淚滿襟

輕別。繾綣難忘。當日語。淒涼又作他鄉客。問鬢邊都
有幾多絲。真堪織。○楊柳院。秋千陌。無限事。成虛擲。
如今何處也。夢魂難覓。金鴨微溫。香縹緲。錦茵初展。
情蕭瑟。料也應。紅淚伴。秋霜燈前滴。

江行簡楊濟翁周顯先

辛棄疾

過眼溪山。怪都是舊時曾識。還記得夢中行遍。江南
江北。佳處徑須攜杖去。能消幾兩平生屐。笑塵勞三
十九年非。長爲客。○吳楚地。東南坼。英雄事。曹劉敵。
被西風吹盡了。無塵跡。樓觀甫成人已去。旌旗未卷

頭先白。歎人生哀樂轉相尋。今猶昔。兩去聲

冷泉亭

辛棄疾

直節堂堂看夾道。冠纓拱立。漸翠谷羣仙來下。珮環
聲急。誰信天風飛墮地。傍湖千丈開青壁。是當年玉
斧削方壺。無人議。○山水潤琅玕。濕秋露下。瓊珠滴。
向危亭橫跨。玉淵澄碧。醉舞且搖鸞鳳影。浩歌莫遣
魚龍泣。恨此中風物本吾家。冷爲客。

辛棄疾

照影溪梅。悵絕代佳人獨立。便小駐雍容千騎。羽觴

前作富貴
後作
蕭散俊逸

飛急琴裏新聲風響珮筆端醉墨鴉棲壁是使君文
雅舊知名今方識○高欲臥雲還濕清可澈泉長滴
快晚風吹帽滿懷空碧寶馬嘶歸紅旆動龍團試水
銅瓶泣怕他年重到路應迷桃源客

送李正之提刑入蜀

辛棄疾

蜀道登天一盃送繡衣行客還自歎中年多病不堪
離別東北看騰諸葛表西南更草相如檄把功名收
拾付君矣如椽筆○見女淚君休滴荆楚路吾能識
要新詩準備廬山山色赤壁磯頭千古浪銅鞮陌上

葛表相
入世俱切

三更月正梅花萬里雪深時須相憶。

遊南巖和范先之韻

辛棄疾

稼軒作詞
俱似胸中
有成竹一
揮而就者
不復知協
律之苦

笑拍洪崖問千丈翠巖誰削依舊是西風白鳥北村
南郭似整復斜僧屋亂欲吞還吐松烟薄覺人間萬
事到秋來都搖落呼斗酒同君酌更小隱尋幽約
且丁寧休負北山猿鶴有鹿從渠求鹿夢非魚定未
知魚樂正仰看飛鳥却應人回頭錯

同諸公餞別盧國華余爲酒困臥清淙堂上
三鼓方醒國華賦詞留別席上和韻

辛棄疾

如聽琴中
作客窗夜
話

宿酒醒時。第只有清愁而已。人正在清塗堂上。月華如洗。紙帳梅花歸夢覺。尊羹鱸膾秋風起。問人生得意幾何時。吾歸矣。○君若問相思事。料長在歌聲裏。這情懷只是中年如此。明月何妨千里隔。願君與我如何耳。向尊前重約幾時來。江山美。

和傅巖叟香月韻

辛棄疾

半山佳句。最好是吹香隔屋。又還怪冰霜側畔。蜂兒成簇。更把香來薰了。却教影去鉗侵竹。似神清骨

脂香疎影
脫胎換骨

詞統

卷十二

滿江紅

四

冷任西湖何由俗。○根老大穿坤軸。枝天嫋。螭龍斛
快酒兵長俊。詩壇高築。一再人來風味惡。兩三杯後
花緣熟。記五更聯句失。彌明龍啣燭。

辛棄疾

倦客新豐。貂裘敝。征塵滿目。彈短劍。青蛇三尺。浩歌
誰續。不念英雄江左。老用之。可以尊中國。歎詩書萬
卷。致君人。翻沈陸。○休感慨。澆醺醉。人易老。歡難足。
有玉人。憐我爲簪黃菊。且置請纓封萬戶。竟須賣劍
酬黃犢。甚當年寂寞賈長沙。傷時哭。

有疆史氣
然非老生
言談

兩韵雜用
平詞屢有
之

賜燕二句
和落悲動
不必有解

無處着
分綠節是
山居真色

春晚

辛棄疾

浪蕊浮花當不任，晚風吹了微雨過。池塘飛絮一簾
晴晝，寂寂山光春似夢，依依草色熏如酒。近新來怕
上小紅樓，凭闌眺。○心事阻，詩情少。東皇去，良辰杳。
想故園閒趣，水村烟柳，此日鵬聲天不管。當年燕子
人何有。歎江南離別酒初醒，頻回首。

山居

辛棄疾

幾個輕鷗來點破，一泓澄綠更何處。一雙鷓鴣故來
爭浴，細讀離騷還痛飲。飽看修竹何如肉，有飛泉日

日供明珠五千斛。○春雨滿秧新穀。間日永眠黃犢。
看雲連麥隴。雪堆蠶簇。若要足時。今足矣。以爲未足。
何時足。被村翁相拉入東園。枇杷熟。

春暮

晁補之

東武南城新堤固。漣漪初溢。隱隱過長陵。高阜臥紅。
堆碧枝上。殘花吹盡也。與君試向江邊覓。問向前猶。
有幾多春。三之一。○官裏事。何時畢。風雨外。無多日。
相將泛曲水。滿城爭出。不見蘭亭修禊事。當時座上。
皆豪逸。到如今。修竹滿山陰。空陳迹。

三之一句
勝馬莊父
十分春色
今無九

春閨

周邦彥

晝日移陰攬衣起春幃睡足臨寶鑑綠雲撩亂未忺
粧束蝶粉蜂黃都退了枕痕一線紅生玉背盡攔脉
脉悄無言尋棋局○重會面何時卜無限事縈心曲
想秦箏依舊尚鳴金屋芳草連天迷遠望寶香薰被
成孤宿最若是蝴蝶滿園飛無心撲

宋子京詞
淚落胭脂
界破蜂黃
淺淺者退
之別名

退字或作褪非道藏經云蝶交則粉退蜂交則黃退

詠雨

張孝祥

孫夫人咏

雪則云梅

邊竹上張

安國咏雨

則云柳外

蕭裡

波微似雨
音韻似杜
類書杜詩
非夸語也

斗帳高眠寒窗靜。蕭蕭雨意。南樓近。更移三鼓。漏傳
一水。點點不離楊柳外。聲聲只在芭蕉裏。也不管。滴
破故鄉心。愁人耳。○無似有。遊絲細。聚復散。真珠碎。
天應分付與。別離滋味。破我一牀蝴蝶夢。輸他雙枕。
鴛鴦睡。向此際。別有好思量。人千里。

秋懷

張孝祥

秋滿灘源。瘴雲淨。曉山如簇。動遠思。空江小艇。高丘
喬木。策策西風。雙鬢底。暉暉斜日。朱欄曲。試側身回
首。望京華。迷南北。○思歸夢。天邊鷓。遊宦事。蕉中鹿。

想一年好處。砌紅堆綠。羅幃分袖。霜落齒冰。船綉如珠。盈掬倩春纖。縷繪搗香麝。新篔熟。

堯山堂外紀張孝祥父祁與胡寅交善秦檜惡寅并祁下之獄旣而釋之後孝祥由鄉薦得試集英考官寅第二秦墳爲冠上覽孝祥卷文墨精妙喜甚擢首選實以抑秦也秦不能堪暗曰胡寅雖斥力猶能使故人子爲狀元耶孝祥詣秦謝問學何書曰顏書又問學何詩曰杜詩秦色莊笑曰好底盡爲君占却

憶別

程垓

門掩垂楊，寶香度翠簾。重疊春寒在羅衣。初試素肌，猶怯薄靄籠花。天欲暮，小風送角聲初咽。但獨寒幽幌，悄無言，傷初別。○衣上雨。眉間月。滴不盡。顰空切。羨棲梁歸燕，入簾雙蝶。愁緒多於花絮亂。柔腸過似丁香結。問何時重理錦囊書，從頭說。

吳文英

翠幙深庭，露紅晚，閒花自發。春不斷。亭臺成趣，翠陰蒙密。紫燕雛飛，簾額靜，金鱗影轉。池心瀾。有花香竹

竟以兩月
二字替却
淚痕裡的

劉賓北風
圖見者帶
寒

色賦閒情，供吟筆。○時問字，評風月，時載酒，調冰雪。
似初秋，入夜淺涼，欺葛人境，不教車馬近。醉鄉莫放
笙歌歇，倩雙成一曲紫雲迴，紅蓮折。

高觀國

擊碎空明滄浪晚，棹歌飛入西山外。紫霞吹斷赤塵
無迹。推上冰輪涼世界，喚回天籟清肌骨。看驪珠影
墮冷光斜，蛟龍窟。○長嘯外，綸巾側，輕露下，纖絺濕。
聽洞簫聲在，臥虬陰北，千萬江妃，留醉夢二三沙鳥。
鷺啼晚，任天河落盡玉杯空，東方白。

語不驚人
死不休

和吳叔永尚書

時吳喪少子

劉克莊

著破青鞋。渾不憶。蹋他龍尾。更冷笑。癡人擘劃。二三百歲。殤子彭篋。誰壽夭。靈均漁父。爭醒醉。向江天。一
目羨禽魚。悠然矣。○杯中物。姑停止。床頭易。都拋廢。
慨事常八九。不如人意。白雪調高尤協律。落霞語好
終傷綺。待煩公老手。一摩挲。文公記。

夜雨涼甚。忽動從戎之興。

劉克莊

金甲瑠戈。記當日。轅門初立。磨盾鼻。一揮千紙。龍蛇
猶濕。鐵馬曉嘶。營壁冷。樓船夜渡。風濤急。有誰憐猿。

平爲一書
生勝作于

不長

入經濟才
入功德王
并如少不
吳尋一直
則前斯殺
有

臂故將軍無功級。平戎策從軍什零落盡。慵收拾。
把茶經香傳。時時溫習。生怕客談榆塞事。且教兒讀。
花間集。嘆臣之壯也。不如人。今何及。

送宋惠父入江西幕

劉克莊

滿腹詩書餘事到。穢苴兵法新受了。烏公書幣著鞭。
垂發黃紙紅旗。喧道路。黑風青草空巢穴。向幼安宣。
子頂頭行方奇特。谿峒事聽僮說。龔遂外無長策。
便獻俘非勇。納降非怯。帳下健兒休盡銳。草間赤子。
俱求活。到崆峒快寄凱歌來。寬離別。

劉克莊

落日登樓，誰管領、倦遊在客。待喚起、滄浪漁父，隔江
吹笛。看水看山身尚健。憂晴憂雨頭先白。對暮雲不
見美人來。遙天碧。山中鶴應相憶。沙上鷺渾相識。
想石田茆屋，草深三尺。空有鬚如漆。騎省斷無面見
陶彭澤。便倒傾海水，浣衣塵，難湔滌。

送王實之

劉克莊

天壤王郎，數人物、方今第一。談笑裏，風霆驚座，雲烟
生筆。落落元龍湖海氣，琅琅董相天人策。問如何十

此送客
竟可當
稿大序

寶之雖賢
得後村之
文詞而名
乃不朽

載尚青衫諸侯客。易愛底些官職。難保底些名節。
擬閉門投轄劇談三日。疇昔評君天下寶。當爲天下
蒼生惜。向臨分慷慨出商聲。摧金石。

劉後村與王實之啓云。聲名早著。不數黃香之無
雙。科目小低。猶壓杜牧之第五。元化孕此五百年
之間氣。同輩立于九萬里之下風。又云。朱雲折檻。
諸公慙請劍之言。陽子哭庭。千載壯裂麻之語。一
葉身輕。何去之勇。六丁力盡。而挽不回。有謫仙人
駿馬名姬之風。無杜少陵冷炙殘盃之態。麗人歌

陶秀實郵亭之曲。好事繪韓庶。載夜宴之圖。擁通德而著書。命便了以沽酒。實之名邁號。雁庵蒲陽人。丁丑第四人。蓋進則忠。餒退則豪俠。元龍太白一流也。

和王實之韻送鄭伯昌

劉克莊

惟雨盲風。留不住江邊行色。煩問訊冥鴻。高士釣鰲詞客。千百年傳吾輩話。二三子係斯文脉。聽王郎一曲玉簫聲。淒金石。○晞髮處。怕山碧。垂釣處。滄浪白。笑而今拙宦。他年遺直。只願長留相見面。未宜輕屈。

平生膝有狂談欲吐且休休驚隣壁。

劉克莊

氣味似
山謝表

往日封章曾聳動君王玉色。今似得三閭公子四明
狂客古不能箝言者口。天方欲壽中朝脉。筭人間豈
有病無醫須鍼石。○年冉冉袍猶碧。心耿耿頭先白。
笑臣舒迂。綬臣山。愚直拂袖歸來羞炙手。望塵拜了
難伸膝。把節春瀨與首陽山圖齋壁。

劉克莊

三黜歸來飯疏食。渾無愠色。中年後家如旅舍。身如

細閱諸詞

奇古穩妙

豈前身是

建安才子

中劉姓者

乎

行客。軒冕豈非旋。齎具。輝霞已。是膏肓。脈有些兒隙。
地更疏。泉堆卷石。鄰媪餉新。筠碧溪友賣鮮鱗。白。
向陳編冷笑。孔明元直。俗事不教污兩耳。燕居聊可。
盤雙膝。取當年行脚。一杖鉤懸高壁。

劉克莊

疇昔臚傳。仗下奏祥雲五色。何況是西山。子鵲山。
賓客上帝。照臨忠義膽。老師付受文章。歷問此君彷彿。
似何人。徂徠石。園官菜。登盤碧。田舍米。翻匙白。
顛投詩見素。寄書杓直。德耀不嫌爲隱。髻兒已解。

搖翠藤有誰憐。給札老相如。家徒壁。

劉克莊

童宜之頂
陶令之腰

下見西山料它日面無慚色。君記取不爲呂黨亦非
秦客有意挽回當世事無方延得諸賢脉。笑海波渺
渺幾時平。空脚石。○園五畝。紛紅碧。家四世。傳清白。
任天孫笑袖女嬃嫌。直老去何煩。援以手。向來不要
加。請膝待深山深處著茆齋。看青壁。秦檜有十客

范尉梅谷

劉克莊

赤日黃埃夢不到。清溪翠麓空健羨。君家別墅幾株

詞統

卷十二

滿江紅

十三

朱希真詩
詞雪天分
外精神好
乃知梅宜
竹宜月尤
宜雪也

將軍送文
章之府洵
乎非常之
才蘧蘧王
晚年亦作
小詞然不
如岳

幽獨骨冷肌清偏要月天寒日暮尤宜竹想主人杖
履日千回山南北○寧委澗嫌金屋寧映水羞銀燭
歎出群風韻背時粧束競愛東鄰紅粉誰憐空谷
人如玉笑林逋何遜謾爲詩無人讀

岳飛

怒髮衝冠，凭欄處瀟瀟雨歇，擡望眼仰天長嘯，壯懷
激烈，三十功名塵與土，八千里路雲和月，莫等閒曰
了少年頭，空悲切。○靖康恥，猶未雪，臣子恨，何時滅，
駕長車，踏破賀蘭山缺，矢志饑餐胡虜肉，笑談渴飲

匈奴血待從頭收拾舊山河朝天闕。

話。朕曰鄂王謝收復河南赦及罷兵表畧云夷狄不情。犬羊無信。莫守金石之約。難充溪壑之求。誓圖安而解倒。垂猶云可也。欲長慮而尊中國。豈其然乎。又曰身居將闕。功無補于涓埃。口誦詔書。面有慚于軍旅。又曰尚作聰明而過慮。徒懷猶豫以致疑。蓋無事而請和者。謀恐卑詞而厚幣者。進願定規于至勝。期收地于兩河。唾手幽燕。終欲復仇。而報國。誓心天地。當令稽首以稱藩。語俱悲壯。感

字製
浪

人○睽車志曰飛死後臨安西溪軍寨子弟請紫
姑神岳侯降書一絕云經畧中原二十秋功多過
少未全酬丹心似石今誰愬空有遊魂徧九州
花押宛然平日真迹也秦相聞而惡之擒治其徒
有死者○沈氏弋說曰飛不專以用兵見長其引
樂枝曳柴莫敖採樵事于左氏頗有所闕其題龍
居寺云巍石山前寺林泉勝境幽紫金諸佛相白
雪老僧頭潭水寒生月松風夜帶秋我來屬龍語
爲雨濟民憂直徧唐人矣○堯山堂外紀武穆送

岳之悲壯

王之憂涼

宮怨邊愁

趙宋一時

風景堪哭

張紫陽北伐詩號令風霆迅，天聲動北陬。長驅渡
河洛，直搗向燕幽。馬蹀月兵血，旗臬克汗頭。歸來
報明主，恢復舊神州。又有小重山詞云：欲將心事
付瑤琴，知音少，絃斷有誰聽。蓋指主和議者多也。

題驛壁

王昭儀

太液芙蓉，不是舊時顏色。曾記得，承恩雨露，玉樓
金闕，名播蘭簪。妃后裡，暈潮道，臉君王，側忽一朝，聲
鼓揭天來。繁華歇。○龍虎散，風雲滅。千古恨，憑誰說。
對山河百二，淚沾襟血。驛館夜驚塵土，夢宮車曉碾。

關山月願嫦娥相願肯從容隨圓缺

東園友聞日至正丙子正月十八日元兵入杭宋

謝全兩后以下皆赴北有王昭儀名清惠者題詞

于驛或云王昭儀下張璠英所賦也五月二日兩

后抵上都朝見世皇十二日夜宋宮人安定夫人

陳氏安康夫人朱氏與二小姬沐浴自縊死朱夫

人遺古詩一篇又有王姪容者言年求爲子婦姪

容自刎車中○女史曰王昭儀抵上都重請爲女

道士號冲華

時謝太后

年七十餘

陳敬叟水

龍吟有金

屋到橋不

堪羨暮之

句惜其不

能死也號

陳朱數女

于冬多

元時傳按
蔡朝宋云

陳橋驛孤

兒寡婦久

假賞選讀

宋末諸公

詩詞悲憤

橫生須信

此語破涕

代王昭儀

文天祥

詞。脚。琵琶。胡。沙。外。怎。生。鳳。色。最。苦。是。姚。黃。一。朶。移。根。
仙。關。王。母。歡。闌。瑤。宴。罷。仙。人。淚。滿。金。盤。側。聽。行。宮。半。
夜。雨。霖。鈴。聲。聲。歇。○彩。雲。散。香。塵。滅。銅。駝。恨。那。堪。說。
想。男。兒。慷。慨。嚼。穿。齧。血。回。首。昭。陽。離。落。日。傷。心。銅。雀。
迎。新。月。筭。妾。身。不。願。似。天。家。金。甌。缺。

詞品曰王昭儀之詞傳播中原文山讀至末句嘆
曰惜哉夫人于此少商量矣爲之代作二首○沈
天羽曰文山黃冠之志昭儀女冠之請先後合轍

從容圓缺語未可遽貶

文天祥

燕子樓中又推過幾番秋色。相思處青年如夢乘鸞
仙闕。肌玉暗消衣帶緩。淚珠斜透花鈿側。最無端蕉
影上窗紗。青燈歇。○曲池合。高臺滅。人間事。何堪說。
向南陽。阡上滿襟清血。世態便如翻覆雨。妾身原是
分明月。笑樂昌一段好風流。菱花缺。

和王昭儀

鄧剡

一朵天桃親會醉。五雲春色。誰信道鹿銜花去。浪翻

總是銅筋
鐵骨所吐

是亦不陸
洪志者

咏物絕妙
好詞

瑤閣。眉鎖嬌蛾。山宛轉。髻梳墮。馬雲歌。側恨風沙吹。
透漢宮衣。餘香歇。○霓裳散。庭花減。斜陽燕。應難說。
想春深。銅雀。夢殘啼血。空有琵琶傳出塞。更無環珮。
鳴歸月。又爭知。有客夜悲歌。壺敲缺。

唐明皇有牡丹將開爲鹿銜去應祿山之亂

玉簪花次班彥功韵

張天雨

玉導纖長。頓化作雲英。香夾風弄影。綠鬟撩亂搔頭。
斜插。撲小還思。釵燕並叢幽。畧比蕉心狹。看柔絲點
綴。半開時。烘銀蠟。○水柱瘦。瓊枝滑。芳徑底。輕偷搦。

口夜涼消得錦圍紅。匣鴛管不勝仙露重。蜜脾膾有清香發。待使君絕妙好詞成。真彈壓。

南齊高祖性清儉。筆衣中有玉導。土白溜。訛正是興長弊源命。碎之又晉書馮遷。追及桓玄。茲拔頭。上玉導。與之導。擇也。義取擇髮。

對酒

元好問

起語類其
朱希真詞
柳天翠柳
被何人推
土一論所
月關日關
肯都茶笑
問

天上飛鳥。誰遣東生西。西。明鏡裏。朝爲青鬢。暮爲華髮。弱水蓬萊三萬里。夢魂不到金銀闕。更幾人能。有謝家山。飛仙骨。山鳥弄林花。發玉盃。冷秋雲。滑。

廬山極稱
干詞宜其
以之

歎欽高字
不兩立耳
古一限

彭殤同一醉。不爭毫末。鞭石何年滄海過。三山只是
尊中物。暫放教老子。據胡床。邀明月。

題宋思陵賜岳忠武手敕

文徵明

拂拭殘碑。敕飛字依稀。堪讀慨當初。倚飛何重。後來
何酷。豈是功成身合死。可憐事去言難贖。最無端。堪
恨。又堪悲。風波獄。○豈不念封疆。蹙豈不念徽欽辱。
念徽欽。既反此身何屬。千載休談南渡錯。當時自怕
中原復。笑區區一檜。亦何能逢其欲。

前題

王世貞

五嶽起方
寸餘然語
能平

御墨淋漓到飛字。百身難贖。彈指罷遺黎。夢斷舊都
淪覆。十二金牌丞相詔。風波片紙。君王獄恨。匈奴巧
放。兩人歸。乾坤蹙。○翹首地。青衣辱。回首地。朱仙哭。
口大江東去。一龜茲足。北面生看。臣構在南。枝死望
中原復。痛他年降表。出臯亭。鳴。爽。目。
龜茲音丘慈國
名構高宗名

夏侯橋沈澗。嶧掘地得宋高宗賜岳侯手勅。舊刻
裝潢成卷。丐名公題詠。沈石田爲之首倡。○沈氏
弋說曰。高宗賜鄂王詔二十餘章。褒美非常。如月
三。捷以奏功。日百里而闢土。是也。而卒斃。謫。囚。囚。

諺所謂狐埋而狐掘之者耶。宋收護岳飛忠武
文曰李將軍口不出辭。闖者流涕。藺相如身雖已
死。凜然猶生。又曰始爲忠愍之號。旋更武穆之稱。
獲覩中興之舊章。灼知皇祖之本意。爰取危身奉
上之實。仍因勘定禍亂之文。合茲兩言。節以壹惠。
昔孔明之志興漢室。子儀之光復唐都。雖計效以
或殊。在秉心而弗異。垂之史冊。何嫌今古之同辭。
賴及子孫。將與山河而並久。

鳳凰臺生憶吹簫

亦是休下
風亦是閑
竹秀

閨情

李清照

香冷金猊被翻紅浪起來慵自梳頭任寶奩塵滿日
上簾鉤生怕離懷別苦多少事欲說還休新來瘦非
干病酒不是悲秋○休休這回去也千萬遍陽關也
則難留念武陵人遠烟鎖秦樓惟有樓前流水應念
我終日凝眸從今去又添一段新愁

六么令

春情

晏幾道

綠陰春盡飛絮遶香閣晚來翠眉宮樣巧把遠山學

十韵都
可
矜許

一寸。在。心。未。說。已。向。橫。波。覺。盡。廉。遮。匪。新。翻。曲。妙。暗。
許。閒。人。帶。偷。指。○。前。度。書。多。隱。語。意。淺。愁。難。答。昨。夜。
詩。有。回。文。韻。險。還。慵。押。都。待。笙。歌。散。了。記。取。留。時。霎。
不。消。紅。蠟。閒。雲。歸。後。月。在。庭。花。舊。闌。角。

用陸氏事送玉山令陸德隆侍親歸吳

辛棄疾

河月贈野
君詩取徐
氏之見干
史冊者三
十六人為
賦與辛詞
吟券

酒。羣。花。隊。攀。得。短。轅。折。誰。憐。故。山。歸。夢。千。里。尊。羹。滑。
便。整。松。江。一。棹。檢。點。能。言。鴨。故。人。欲。接。醉。懷。霜。橘。墮。
地。金。圓。醒。時。覺。○。長。喜。劉。郎。馬。上。肯。聽。詩。書。說。誰。對。

叔子風流。直把曹劉壓。更看君侯事業。不負平生學。
離腸愁怯。送君歸後。細寫茶經煮香雪。

第四句陸雲食羊酪語第六句陸龜蒙第八句陸
續第十句陸賈第十二句陸遜末句陸羽

惜秋華

八月飛翼樓登高

吳文英

思渺西風。悵行踪浪逐。南飛高雁。怯上翠微。危樓更
堪凭晚。蓬萊對起。幽雲澹。埜色山容愁捲。清淺。澹
波靜。衝秋痕一綫。○十載寄吳苑。慣東籬深處。把露

於借秋
于三字曲
八幽情

黃偷剪移暮景。照越鏡。意消香斷。秋娥賦得閒情。倚
翠尊小。看初展。深勸待明朝。醉巾重岸。

尾犯

贈浪翁重客吳門

吳文英

翠被落紅粧。流水感香。猶共吳越。十載江楓。冷霜波
成纈。燈院靚。涼花乍剪。桂園深幽。香旋折。醉雲吹散。
晚樹細蟬。時替離歌咽。○長亭會送客。偷賦錦雁留
別。淚接孤城渺。平蕪烟濶。半菱鏡青門重售。採香堤。
秋蘭共結。故人顚顚。遠夢越來溪畔月。

別詞風
目成擊逸

甲辰中秋

吳文英

紺海掣微雲。金井暮涼。梧韻風息。何處樓高。想清光
 先得。江汜冷。水綃乍洗。素娥歡。菱花再拭。影留人去。
 恐向夜深。簾戶照陳迹。竹房苔徑小。對日莫教。翠
 碧。露蓼香輕。記年時相識。二十五。聲聲和點。夢石認
 屏山路。客醉魂悠颺。滿地桂陰無人惜。

數更無知
數脚蹤

水調歌頭

盟鷗

辛棄疾

帶湖吾甚愛。千丈翠奩開。先生杖屨無事。一日走千

文勝質則
史此妙在
史中帶質

九關虎豹
千里玉膏
之句何成
張器之形
虎揚睛吼
寫呀嚙

回。凡。北。同。盟。鷗。鷺。今。日。既。盟。之。後。來。往。莫。辨。白。鶴。
在。何。處。嘗。試。與。偕。來。○。破。青。萍。排。翠。藻。立。蒼。苔。窺。魚。
笑。汝。癡。計。不。解。舉。吾。杯。廢。沼。荒。丘。疇。昔。明。月。清。風。此。
夜。人。世。幾。歡。哀。東。岸。綠。陰。少。楊。柳。更。須。栽。

湯朝美司諫見和用韵爲謝 辛棄疾

白。日。射。金。關。虎。豹。九。關。開。見。君。諫。疏。頻。上。談。笑。挽。天。
回。千。古。忠。肝。義。膽。萬。里。蠻。烟。瘴。雨。往。事。莫。驚。猜。政。恐。
不。免。耳。消。息。日。邊。來。○。笑。吾。廬。門。掩。草。徑。封。苔。未。應。
兩。手。無。用。要。把。蟹。螯。盃。說。劔。論。詩。餘。事。醉。舞。狂。歌。欲。

詞隸

卷十二

水調歌頭

三

倒老子頗堪哀。白髮寧有種。一醒時裁。

和。王。政。之。右。司。吳。江。觀。雪。見。寄。辛。棄。疾。

造化故豪縱。千里玉鸞飛。等閒更把萬斛瓊粉。蓋玻
璃。好卷垂虹千丈。只放水壺一色。雲海路應迷。老子
舊遊處。回首夢耶非。謫仙人。鷗鳥伴。兩忘機。掀髯
把酒一笑。詩在片帆西。寄語烟波舊侶。聞道尊鱸正
美休。裂芰荷衣。上界足官府。汗漫與君期。

佳句忽來
正如一片
遠帆從天
際落

送鄭厚卿赴衡州

辛棄疾

寒食不少住。千騎擁春衫。衡陽石鼓城下。記我舊停

驂襟以瀟湘。桂嶺帶八洞庭。青丘紫蓋屹西南。文字
起騷雅。刀劔化心蠶。○看使君於此事。定不凡。奮髯
抵几堂上尊俎。自高談。莫信君門萬里。但使民歌五
袴歸。詔鳳凰。卿君去。我誰飲。明月影成三。

壬子三山被召陳端仁給事飲餞席上作

辛棄疾

長恨復長恨。裁作短歌行。何人爲我楚舞聽。我楚狂
聲。余既滋蘭九畹。又樹蕙之百畝。秋菊更餐英。門外
滄浪水。可以濯吾纓。○一盃酒。問何似。身後名。人間

鬱不欲
作一語

此詞第五
第六句最
難安置世
有稼軒詞
謂悉新於
辛

萬事毫髮常重泰山輕。悲莫悲生離別。樂莫樂新相識。兒女古今情。富貴非吾事。願與白鷗盟。

席上爲葉仲洽賦

辛棄疾

高馬勿捶面。千里事難量。長魚變化雲雨。無使寸鱗傷。一壑一丘吾事。一斗一石皆醉。風月幾千場。鬚作蝟毛磔。筆作劍鋒長。我憐君癡絕。似顧長康。綸巾羽扇顛倒。又似竹林狂。解道長江如練。準備停雲堂上。千首買秋光。怨調爲誰賦。一斛貯檳榔。

劉穆之少貧。好往妻兄江氏乞食。食畢求檳榔。江

朝日檳榔消食君。乃饒何須此。穆之爲丹陽。冷以
檳榔一斛遺江。

醉吟

辛棄疾

四坐且勿語。聽我醉中吟。池塘春草未歇。高樹變鳴
禽。鴻雁初飛江上。蟋蟀還來床下。時序百年心。誰要
卿料理。山水有清音。○歡多少。歌長短。酒淺深。而吟
已不如昔。後定不如今。閒處直須行樂。良夜更教秉
燭。高會惜分陰。白髮短如許。黃菊倩誰簪。

元夜投宿博山寺見者驚嘆其老

辛棄疾

我疑稼軒
不死何樂
其老耶

頭白牙齒缺，君勿笑衰翁。無窮天地，今古人在四
中。臭腐神奇俱盡。貴賤賢愚等耳。造物也兒童。老佛
更堪笑。談妙說虛空。○坐堆、飛行、答、颯、立、龍、鍾、有、時
三盞兩盞，淡酒醉濛鴻。四十九年前事，一百八盤狹
路，拄杖倚墻東。老景竟何似，只與少年同。

丙辰中秋大醉有懷子由

蘇軾

明月幾時有，把酒問青天。不知天上宮闕，今夕是何
年。我欲乘風歸去，又恐瓊樓玉宇，高處不勝寒。起舞

寒家大舍
被善家
寒體

弄清影○何似在人間○轉朱閣○低綺戶○照無眠○不應
有恨○何事常向別時圓○人有悲歡離合○月有陰晴完
缺○此事古難全○但願人長久○千里共嬋娟○

神宗讀至瓊樓玉宇二句嘆曰蘇軾終是愛君量

移汝州

琵琶

蘇軾

其緩調高
彈急節促
聽可以目

昵昵兒女語○燈火夜微明○恩怨爾汝來去○彈指淚和
聲○忽變軒昂勇士一鼓填然作氣○千里不留行○回首
暮雲遠○飛絮攪青冥○衆禽裏真彩鳳獨不鳴○躡躑

如如和險一落百尋輕煩子指間風雨置我腸中水
炭起坐不能平推手從歸去無淚與君傾

嵇康云聞
箏笛琵琶

形跡而志

越閩琴瑟

體靜而心

閑卽永叔

定韓詩之

理

公舊序云歐公嘗問予琴詩何者最善荅以退之
穎琴詩公曰此詩最奇麗然非聽琴乃聽琵琶也
予深然之延安章質夫家善琵琶者乞爲歌調特
取退之詞稍加櫟括使就聲律以遺之

隱靜寺觀雨

寺有碧雲泉

張孝祥

觀雨豪聽
雨悲觀聽
有別

青嶂度雲氣幽壑舞回風江神助我雄觀喚起碧霄
龍電掣金蛇千丈雷震靈鬣萬疊洶洶欲崩空盡瀉

淨洗三句
迂腐語化

高奇

此老有樹
翁齋賦合
而讀之水
就火布錯
列橫陳碎
眼爲醉

銀潢水散入寶蓮宮。坐中客。凌積翠。看奔洪。人間
應失七箸。唯我獨從容。淨洗從來塵垢。潤及無邊樹。
槁造物。不言功。天宇忽開霽。日在五雲東。

秋景

白玉蟾

一葉飛。何處。天地起。西風。夜來酒醒。月華千頃。浸簾
櫳。塞外。賓鴻來也。十里碧蓮香滿。澤國蓼花紅。萬象
正蕭爽。秋雨滴梧桐。釣臺邊。人把釣。興何濃。鱗鱗
波上。烟寒水冷。剪丹楓。光景暗中催去。覽鏡朱顏猶
在。回首燕巢空。鐵笛一聲曉。喚起五湖龍。

喜歸和崔菊坡韵

劉克莊

遣作嶺頭使。似戍玉門關。來時送者舉酒珍重。祝身
安。街畔小兒拍笑。馬上是翁。鬢鑠頭與壁俱還。何處
得仙訣。髮白頰猶丹。○屋茆破。籬菊瘦。架籤殘。老夫
自計甚密。恁定不如閒客。難楊雄。柘落友笑。王良來
往。面汗背芒寒。再拜謝不斂。早晚乞還山。

解印有期戲作

劉克莊

老子頗更事。打透利名關。百年擾擾于役。何異入槐
安。夢裡偶然得意。醒後纔堪發笑。蟻穴駕車還。恰佩

看他視印
授真如極
枯官醫真
如洪慈嫺
霞良石之
○結于肺
○進于手
○曾無一
語欺人處
山仰土何
自忘之

南柯印彷彿轂會丹。客未散日初。跌酒猶殘。向來
幻境安在。回首總成閒。莫問浮雲起滅。且跨罡風遊
戲。露冷玉簫寒。寄語抱朴子。候我石樓山。

八月上澣解印別同官席上賦 劉克莊

半世慣岐路。不怕唱陽關。朝來印綬解去。今夕枕初
安。莫是散場優孟。又似下棚傀儡。脫了戲衫還老去。
事多忘。公莫笑師丹。筆端花。胸中錦。兩消殘。江湖
水草空曠。何必養天閑。久苦諸君共事。更盡一盃別
酒。風露夜深寒。回首行樂地。明日隔雲山。

此後二首
隔字借叶
非松園之
開

客散循堤步月而作

劉克莊

落日幾呼渡，佳夕每留關。有時來照清淺，鬢雪似潘安。一曲親蒙君賜，兩岸更無人迹。惟見鷺飛還。隙地欠栽接，蕉荔雜黃丹。柳全疎，松尚幼，怕摧殘。傍人笑我痴計，管鑰費防閑。翁意在乎林壑，客亦知夫水月。滿腹貯清寒。賦咏差有愧，赤壁與滁山。

呈趙總領

楊炎

諒謂清風
明月不用
一公買
買得一帆月，醉臥出長安。平堤千里過盡，楊柳綠陰間。依約曉鶯啼處，認得南徐風物。客夢恍驚殘。重到

舊遊所如把畫圖看。○英雄事千古意一凭闌。惜今
老矣無復健筆寫江山。天上人間知己賴有使星郎
宿照映此塵寰。準擬五湖去爲乞釣魚竿。

楊炎

愁濃則江
昏愁熾則
江沸故雁
影有所不
受

把酒對斜日無語問西風。胭脂何事都做顏色染芙蓉。
放眼暮江千頃中有離愁萬斛無處落。征鴻天在
闌干角。人倚醉醒中。○千萬里江南北浙西東。吾生
如寄尚想三徑菊花叢。誰是中州豪傑借我五湖舟
楫去作釣魚翁。故國且回首此意莫匆匆。

詞統

卷十二 水調歌頭

三

登樓詞

楊炎

寒眼亂空濶。客意不勝秋。強呼斗酒發興。特上最高樓。舒卷江山圖畫。應答魚龍悲笑。不暇顧詩愁。風露巧欺客。分冷入衣裘。○忽醒然。成感慨。望神州。可憐報國無路。空白一分頭。都把平生意氣。只做如今顛顛。額歲晚。若爲謀。此意仗江月。分付與沙鷗。

望月

無名氏

問曰雄爽
不讓坡公
之把酒問
天也

危樓雲雨上。其下水扶天。群山四合。飛動寒翠。落簷前。盡是清秋闌檻。一笑波翻濤怒。雪陣卷蒼烟。炎暑

去無迹。清駛久翩翩。○夜將闌。人欲靜。月初圓。素娥
弄影光射空際。綠嬋娟。不用濯纓垂釣。喚取龍公仙
駕。耕此萬瓊田。橫笛望中啓。吾意已超然。

按大江富池縣隸興國軍。有甘寧將軍廟。郡守周
少隱采東坡詞語。扁爲卷雪。每潮漲時。石柱半掩
入水。方三伏中。登望江面。萬頃羣山。環合清風不
斷。○駛疾也。坡詩沙水日清駛。

趙秉文

四明有狂客。呼我謫仙人。俗緣千劫不盡。回首落紅

末句似本
目黎披髮
騎麒麟句

塵我欲騎鯨歸去。只恐神仙官府嫌我醉時。噴笑拍
群仙手。幾度夢中身。○倚長松聊拂石。坐看雲。忽然
黑霓落手。醉舞紫毫春。寄語滄浪流水。曾識閑閑居
士好爲濯冠巾。却返天台上。華髮散麒麟。

閑閑居士自序云。昔擬栩仙人王雲宦贈余詩云。
寄與閑閑傲浪仙。枉隨詩酒墮凡緣。黃塵遮斷來
時路。不到蓬山五百年。其後玉龜山人云。予前身
赤城子也。予有詩云。玉龜山下古仙真。許我天宮
一化身。擬折玉蓮騎白雀。他年滄海看揚塵。又吾

友趙庭玉說丹陽子謂子再世蘇子美也赤城子
則吾豈敢若子美則庶幾焉尚媿辭翰做不及耳
因作此以奇意

張一如

承放若張
得之書深
變文似張
和之拍

落月下春花啼鳥別花曹無端奏與離怨難咽割腸
刀玉貌雪膚何處只剩無情有恨隱隱怕逢挑空態
忽沾臆暗影自棲膏○華畿邈巫峽渺漢津濤此情
終古直教同是一切切送斷韶華一瞬賺殺芳心一
寸船往不留篙回憶可堪話無計放蕭騷

音疾病夢二豎曰吾居膏之上育之下

和前韵

張一如

隔帳斷魂李。留枕斷腸曹。可憐夢也難續。枉殺怨風
刀。玳蝶銀蝸玉蟾。猶見幽歡舊處。此痛可禁挑鉛水。
銅仙淚。靈液玉妃膏。○趙家燕。喬氏碧。薛娘濤。繫人
恍惚犀鈴。誰說鎮心。切人與風帆共遠。情逐晚潮俱
去。石影思行篙。當日易離別。此夕積憂駭。

滿庭芳

一名銀陽臺

春景

秦觀

校陶孫評
少游詩如
時女步春
終傷婉弱
其在子詞
正相宜耳

晚色雲開春隨人意驟雨纔過還晴古臺旁榭飛燕
蹴紅英舞困榆錢自落鞦韆外綠水橋平東風裏朱
門暎柳低按小秦箏○多情行樂處珠鈿翠蓋金轡
紅纓漸酒空醞醪花謝蓬瀛豆蔻梢頭舊恨十年夢
屈指堪驚凭欄久疎烟淡日微映百層城

晚色或作晚兔或作晚見俱謬微映百層城或作
寂寞下蕪城亦通

晚景

秦觀

山抹微雲天粘衰草盡角聲斷譙門暫停征棹聊共

飲離樽、多少蓬萊舊事、空回首。烟靄紛紛、斜陽外、寒鴉數點、流水遶孤村。○銷魂、當此際、香囊暗解、羅帶輕分、謾贏得、秦樓薄倖名存。此去何時見也。襟袖上空染啼痕、傷情處、高城望斷、燈火已黃昏。

菰菀雖黃云程公闢守會稽少游客焉館之蓬萊閣一日席上有所悅眷眷不能忘情因賦長短句云多少蓬萊舊事是也其詞極爲東坡所稱嘗戲取其首句呼爲山林微雲君○又云少游入京見東坡坡曰不意別後公却學柳七作詞游曰某雖

寒鴉二句
未希其又
化作小詞
云看到水
如雲送盡
鴉成點

無識亦不至是坡曰銷魂當此際非柳句法子又
問別作何詞游舉小樓連苑橫空下窺綉轂雕鞍
驟坡曰十三個字只說得一個人騎馬樓前過秦
問坡近著坡舉燕子樓空佳人何在空鎖樓中燕
無咎在座謂三句說盡張建詩一段事大奇○又
曰晁無咎云少游寒鴉流水之句雖不識字人亦
知是天生好言語蓋未見煬帝詩耳煬帝野望詩
云寒鴉千萬點流水遶孤村斜陽欲落處一點
銷魂少游用此語也又讀李義山贈更衣云輕寒

飛卿詞類
草粘飛結
亦妙

衣省夜、金斗熨沈香、乃知少游玉龍金斗熨沈香
與夫睡起熨沈香玉腕不勝金斗之語亦有來處
○詞品曰天粘衰草或改粘爲連真小兒之見也
韓文洞庭汗漫粘天無壁張祐詩草色粘天鷓鴣
恨嚴次山粘雲江影傷今古劉行簡山翠欲粘天
黃山谷遠水粘天吞釣舟劉伯溫雲白天粘海○
又曰范祖禹之子元實乃少游婿也爲人疑重終
日不言有妓問之曰公亦解詞曲否荅曰吾乃山
抹微雲女婿也按草堂選亦有范元實詞

急管繁絃，歌筵畔先安枕簟。容我醉時眠。

和周清真韻

方千里

山色澄秋，水光融日，浮萍飄碎還圓。數行征雁，分破白鷗烟。高下回塘暗谷，寫幽思終日濺濺閒凝望。殘霞暝靄，何處一漁舡。○江南思舊隱，筠軒野徑，茆舍疎椽。慣携壺花下，欹帽風前。想像淵明舊節，琴中趣何必疎絃。歸歟計，不將五斗，輸與北窗眠。

答申生

王嬌娘

簾影搖花，簟紋浮水，綠陰庭院清幽。夜長人靜，贏得

花魁奪勝
日恩流斷
安賜

許多愁、空憶當時月色、小窗外、情話綢繆、臨風淚、
成暮雨、猶向楚山頭、○殷勤紅一葉、傳來密意、佳好
新求、奈百端間阻、思愛休休、應是紅顏薄命、難消受、
俊雅風流、須相念、重尋舊約、休忘杜家秋、忘去聲

宋宣和中蜀人王通判有女嬌娘與中表申純字
厚卿者私通醜和甚多父納帥子之聘嬌竟以憂
卒申生痛念之亦死○王通判有侍妾飛紅者貌
美亦能寫染有詞云花低鶯踏紅英亂春心重頓
成慵懶楊花夢斷楚雲平空惹起情無限傷心漸

覺成牽絆，奈愁緒寸心難管。深誠無計寄天涯，幾

欲問梁間燕。

題壁

徐君寶妻

野君閱此得句云一
道白虹驚
綠水數行
紅淚送清
光

漢上繁華江南人物尚遺宣政風流綠窗朱戶十里
爛銀鈎一旦刀兵齊舉旌旗擁百萬貔貅長驅入歌
樓舞榭風捲落花愁○清平三百載典章人物掃地
都休幸此身未北猶客南州破鑑徐郎何在空惆悵
相見無由從今後斷魂千里夜夜岳陽樓

岳州徐君寶妻被虜來杭居韓蘄汪府其王者數

欲犯之以巧計脫一日王者甚怒強焉因告曰侯
妾祭謝先夫然後為君婦王者喜諾乃焚香再拜
題詞壁上投池中死

西湖秋泛

瞿佑

清華之氣
撲面而來

露葦催黃烟。蒲駐綠水。光山色相連。紅衣落盡。辜負
採蓮舫。點檢六橋楊柳。但幾個抱葉殘蟬。秋容晚。雲
寒雁背。風冷鷺鷥肩。○華筵容易散。愁添酒量。病減
詩顛。况情懷冲淡。漸入中年。掃退舞裙歌扇。盡付與
一枕高眠。清閑好。脫巾露髮。仰面看青天。

塞垣春

和周清真

方千里

每因毒韻
未便管則
熟思四而
如筆以從
喜多生所

四遠天垂野。向晚景、雕鞍卸。吳藍滴草。塞綿藏柳。風
物堪畫。對雨收。霧霽初晴也。正陌上、烟光酒。聽黃鸝
啼紅樹。短長音如寫。○懷抱幾多愁。年時趁歡會。幽
雅盡日足相思。奈春晝難夜。念征塵滿堆襟袖。那堪
更獨游。花陰下一別。鬢毛減。鏡中霜滿把。

漢宮春

初自南鄭來成都作

陸游

寫出屬後
風生且驚
火出之况

羽箭雕弓，憶呼鷹古壘，截虎平川。吹旂暮歸野帳，雪
壓青氊。淋漓醉墨，看龍蛇飛落蠻牋。人誤許、詩情將
畧。一時才氣超然。○何事又作南來，看重陽藥市，元
女燈山。花時萬人樂處，欹帽垂鞭，聞歌感舊。尚時時
流涕尊前。君記取、封侯事在功名不信由天。

會稽蓬萊閣懷古

辛棄疾

當其落筆
風雨疾

秦望山頭看亂雲，急雨倒立江湖。不知雲者爲雨，雨
者雲乎。長空萬里，被西風變滅，須臾回首。聽月明天
籟，人間萬竅號呼。○誰向若耶溪上，倩美人西去，麋

鹿姑蘇至今故國人望。一舸歸與歲云莫矣。問何不
鼓瑟吹竽。君不見王亭謝館。冷烟寒樹啼鳥。

會稽秋風亭觀雨

辛棄疾

亭上秋風記。去年嫋嫋會到吾廬。山河舉目雖異。風
景非殊。功成者去。覺團扇便與人疎。吹不斷。斜陽依
舊。茫茫禹跡都無。○千古茂陵猶在。甚風流章句。解
擬相如。只今木落江冷。眇眇愁余。故人書報。莫因循
忘却。尊鱸誰念我。新涼燈火。一編太史公書。

答李兼善提舉和章

辛棄疾

讀此結句
知幼安之
門高千丈
史之龍門
讀後結句
知幼安之
戶冷千晉
賢之鳳戶

心似孤僧更茂林。修竹山上精廬。維摩定自非病誰。
遣文姝白頭自惜。歎相逢語密情疎。傾蓋處論心一
語。只今還有公無。○最喜陽春妙句。被西風吹墮。金
玉鏗如夜來歸夢。江上父老歡余。荻花深處喚兒童。
吹火烹鱸歸去也。絕交何必更修山。巨源書。

立春

辛棄疾

春已歸來。看美人頭上。裊裊春旂。無端風雨。未肯收
盡餘寒。年時燕子料。今宵夢到西園。聊共賞黃柑薦
酒。更傳青韭堆盤。○却笑東風從此便。薰梅染柳。更

無迹有象
無家有思
精于觀化
者

沒些閒閒時。又來鏡裏轉變。朱顏清愁不斷。問何人
會解連環。生怕見。花開花落。朝來塞雁先還。

壽梅津

吳文英

名歷年芳。倚竹根新影。獨照清漪。千年禹梁薛碧重。
發南枝。水凝素質。遺凡桃李。羞濯塵姿。寒正峭。東風似
海。香浮夜雪。春霏。練鵲錦袍仙使。有青娥傳夢。月
轉參移。逋山傍鶯繫馬。玉剪新辭。宮粧鏡裏笑人間。
花訊都遲。春未了。紅鹽荐鼎。江南烟雨黃時。

燭影搖紅

南苑

卷十一

燭影搖紅

三

越上霖雨應禱

吳文英

秋入燈花夜。深簷影。琵琶語。越娥青鏡洗紅埃。山鬪
秦眉。嬾相間金茸翠畝。認城陰春畊舊處。晚春相應。
新稻炊香。疎烟林莽。清磬風前海沈。宿裏芙蓉。炷
阿香秋夢起。嬌啼玉女傳幽素。人駕海查未渡。試梧
桐聊分宴俎。採菱別調留取。蓬萊霎時雲住。莽音炫

閨情

孫夫人

乳燕穿簾。亂鶯啼樹。清明近。隔簾時度柳花飛。猶覺
寒成陣。長記睂峰偷隱。臉桃紅猶藏酒。暈背人微笑。

可憐一十
波沒破夫
羞圖不後
煞亦沒殺
矣

世間尤物
卽是妖物
吾又何必
辨此詞之
爲人爲怪

半鞦鸞釵輕籠蟬鬢。○別如啼多眼。○應不似當時俊。
滿園珠翠。逞春嬌。沒個他風韻。若見賓鴻。試問待相
將。綵箋寄恨。幾時得見。鬪草歸來。雙鴛微潤。

贈舒生

一作湘江妓贈
別舒信道詞

丘氏

綠淨湖光淺寒。先到芙蓉島。謝池幽夢屬才郎。幾度
生春草。塵世多情易老。更那堪。秋風嫋嫋。曉來羞對。
香芷汀洲。枯荷池沼。○恨鎖橫波。遠山淺黛。無人掃。
湘江人去。嘆無依。此意從誰表。喜趁良宵月皎。况難
逢人間兩好。莫辭沉醉。醉入屏山。只愁天曉。

舒信道中丞宅在明州中有懶堂子弟羣處講習
一舒燈下忽見女子自稱丘氏舉手代拍而歌相
從月餘家人驗其妖怪請朱彥誠法師治之乃池
中大白鯿也

天香

賦薰衣香

吳文英

珠絡玲瓏羅囊閒鬪酥懷暖麝相倚百和花鬚十分
風韵半襲鳳箱重綺茜口四角慵未結流蘇春睡熏
度紅薇院落烟銷盡屏沉水○溫泉絳綃乍試露華

兩花字兩
熏字

侵透肌。蘭泚謾省淺溪月。夜暗浮花氣。荀令如今老矣。但未識韓郎舊風味。遠寄相思餘熏夢裡。

倦尋芳

春景

倚危欄句少一字

王雱

露晞向曉。簾幕風輕。小院閑晝。翠逕鶯來。鶯下亂紅
鋪繡。倚危欄。登高榭。海棠着雨。胭脂透。筓韶華。又因
循過了。清明時候。○倦遊燕。風光滿目。好景良辰。誰
共携手。恨被榆錢買斷。兩眉長鬪。憶得高陽人散後。
落花流水。仍依舊。這情懷。對東風。盡成消瘦。

海棠詞永
叔子京皆
有之但以
看爲經耳

詞以復有
眼見這一

王世貞曰王元澤恨被榆錢買斷兩眉長鬪可謂
巧而費力矣史邦卿做雨欺花將烟困柳殆尤甚
焉然亦奇險出俗○詞品曰王元澤半山之子或
議其不能作小詞乃援筆作倦尋芳一首自此絕
不作

花翁遇舊歡吳門老妓李憐邀分韻同賦此

詞

吳文英

墜甃恨井塵鏡迷樓空閒孤燕寄別崔徽清瘦畫圖
春面不約舟移楊柳繫有緣人映桃花見紋分携悔

賞合劉子
之秋聲賦
陸子之夜
聲賦誦之

香痕謾蕩。綠鬟輕剪。○聽細語琵琶幽怨。客鬢蒼華。
衫袖濕偏。漸老芙蓉。猶自帶霜。□看一縷情深。朱戶
掩。兩痕愁起。青山遠。被西風。又驚吹夢雲分散。

聲聲慢

秋聲

蔣捷

黃花深巷。紅葉低窗。淒涼一片秋聲。豆雨聲來。中間
夾帶風聲。疎疎二十五點。麗譙門不鎖。更聲。故人遠。
問誰搖玉佩。簷底鈴聲。○彩角聲吹月墮。漸連營馬
動。四起笳聲。閃爍隣燈。燈前尚有砧聲。知他訴盡到

曉碎嚶嚶多少蛩聲訴未了把一半分與雁聲

八月雨為豆花雨

閨重九飲郭園

吳文英

檀欒金碧婀娜蓬萊遊雲不蘸芳洲露柳霜蓮十分
點綴殘秋新彎畫眉未穩似含羞低度墻頭愁送遠
駐西臺車馬共惜臨流○知道池亭多宴掩庭花長
是驚落秦謳膩粉闌干猶聞凭袖香留輸他翠漣指
莞瞰新粧終日凝眸簾半捲帶黃花人在小樓

不似猶沾
舊淚濕干
尚惹餘香
知心人自
日此一副
細眼看單

和沈時齋八日登高韻

吳文英

憑高入夢。搖落關情。寒香吹盡。空巖墜葉。銷紅欲燼。
秋訊難緘。重陽正隔。殘照趁。西風不響。雲尖乘半暝。
看殘山。灌翠剩水。開匳。○暗省長安年少。幾傳杯弔。
甫把菊。招潛身老。江湖心隨飛雁。天南烏紗倩誰重。
整映風林。鈎玉纖纖。漏聲起。亂星河影入畫簷。

草詞

趙長卿

濃芳滿地。秀色連天。和烟帶雨。萋萋幾許。芳心還解。
報答春暉。當時謝郎夢裡。似慙勤傳與。新詩却爲甚。
動長門。怨感南浦。傷離。○追想天涯。行客應解擁車。

用草事直
欲剪草除
根

輪步步相隨。惆悵如絲。正是欲斷腸時。憑高望中不見路。悠悠南北東西。春去也。怨王孫。猶自未歸。

廣雅促織一名王孫。獼猴亦名王孫。

秋閨

李清照

才一斛愁
千斛雖六
斛明珠何
以易之

尋尋覓覓。冷冷清清。悽悽慘慘戚戚。乍暖還寒時候。最難將息。三杯兩盞淡酒。怎敵他晚來風急。雁過也。正傷心。卻是舊時相識。○滿地黃花堆積。憔悴損。如今有誰堪摘。守着窗兒。獨自怎生得黑。梧桐更兼細雨。到黃昏。點點滴滴。這次第。怎一個愁字了得。

辛詞近新
杯深吹梅
角暖與易
安有法同

荃翁張端義貴耳集云此詞首下十四個叠字乃
公孫大娘舞劍手本朝非無能詞之士未曾有下
十四個叠字者乃用文選諸賦格守着窗兒獨自
怎生得黑此黑字不許第二人押到黃昏點點滴
滴四叠字又無斧痕婦人中有此殆間氣也晚年
自南渡後懷京洛舊事賦元宵永遇樂云落月鏗
金暮雲合璧已自工緻至于染柳烟輕吹梅笛怨
春意知幾許氣象更好後云于今憔悴風鬟霜鬢
怕見夜間出去皆以尋常言語度入音律鍊句精

巧則易平淡入妙者難山谷所謂以故爲新以俗爲雅者易安先得之矣

咏愁

劉基

無踪無跡難語難言依依只在心曲雨冷雲昏日暮
海涯天角輕衾夢回酒醒夜悠悠蟲響燈綠事去也
縱相憐不是那時金屋○鏡裏清揚婉婉凭朱檻知
他爲誰彈瑟鳳老梧桐慘澹九峰青蟲湘江淚痕未
盡有嶺猿相伴幽獨向此際更那堪懷古送目

角叶音六

長麟
趾詩

視之茫
而心骨
熱人合
淺益坐

不字音淡
草頭味美
君能數黑
我欲論黃

和李易安

黃傳祖

長思短憶，驟熱輕寒，欲言不語，若失。殘霽曲欄，凭後
曉痕多濕，從教筆墨宛轉，註不明斷腸圖式。室則通，
訴誰來，除遇芳魂相悉。○紅蓼白蘋風景，間點起，別
是一番蕭戚。病骨支床，無計，况將月黑。漸看燼消銅
鴨，又撓人冷，蛩四啣。這顛顛，頓有曩昔衾枕解得。

帝臺春

春恨

一刻李
景元

南唐元宗

芳草碧色，萋萋遍南陌。飛絮亂紅也似，知人春愁無

力憶得盈盈拾翠侶，共攜賞鳳城寒食。到今來海角
逢春天涯行客。○愁旋釋，還似織淚暗拭。又偷滴謾
道倚危闌，儘黃昏也。只是暮雲凝碧，柳貼而今已柳
了。○貼想生便忘得。又還問鱗鴻，試重尋消息。

二句西廂
遺魂之間

慶清朝慢

春遊

王觀

風流楚楚
詞林佳公
子也集名
冠柳豈偶
然哉

調雨爲酥。摧冰作水，東風分付春還。何人便將輕暖，
點破殘寒。結伴踏青去好。平頭鞋子小，雙鸞。烟柳外
望中笑色。如有無間。○晴則个陰則个。個釘得天氣。

有許多般須教撩花撥柳爭要先看不道吳綾繡襪
香泥斜沁幾行班東風巧盡收翠綠吹在眉山

作音佐

史達祖

不獨默是
胎生不獨
為能營室

乳鳩穉燕別樣芳情○荀令舊香易冷歎俊遊疎懶
枉自銷凝塵侵謝屐幽徑斑駁苔生便覺寸心尚老
故人前度謾丁寧空相悞菝蘭曲水挑菜東城

雨中花慢

登新樓有懷

辛棄疾

舊雨常來。今雨不來。佳人偃蹇誰留。幸山中芋栗。今歲全收。貧賤交情落落。古今吾道悠悠。怪新來却見。文友離騷。詩發秦州。功名只道無之。不樂那知有。更堪憂。怎奈向兒曹。抵死喚不回頭。石臥山前認虎。嗚呼。知下關牛爲誰西望。憑闌一晌。却下層樓。

蠻語亦自
可人

料少發云臥病長安旅次多。雨尋常車馬之客。猶
雨來。今雨不來。東坡詩新巢語燕。還窺硯。舊雨來
人不到門。

再用韵别吳子似

辛棄疾

馬上三年醉帽吟鞍錦囊詩卷長留。悵溪山舊管風
月新收。明便關河杳杳去。應日月悠悠。笑千篇索價
未抵蒲桃。五斗涼州。○停雲老子有酒盈尊。琴書端
可消憂。渾未解傾身一飽。浙米矛頭。心似傷弓塞雁。
身如喘月吳牛。曉天涼夜。月明誰伴吹笛南樓。

暗香

仙呂宮○堯章自度曲

詠梅

姜夔

舊時月色。筭幾番照我。梅邊吹笛。喚起玉人。不管清

莊氏女彈

梅花調怨

忽有暗香

此中香氣

儘不少

人言情狀
言無情立
意絕絕

寒與攀摘何遜而今漸老都忘却春風詞筆但怪得
竹外疎花香冷入瑤席○江國正寂寂嘆寄與路遙
夜雪初積翠尊易泣紅萼無言耿相憶長記曾携手
處千樹壓西湖寒碧又片片吹盡也幾時見得

長亭怨慢

中呂宮○堯章自度曲

別怨

姜夔

漸吹盡枝頭香絮是處人家綠深門戶遠浦縈回暮
帆零亂向何許閱人多矣誰得似長亭樹樹若有情
時不會得青青如此日暮○望高城不見只見亂山

無數。韋郎去也。怎忘得玉環分付。第一是早早歸來。
怕紅萼無人爲玉筍。只有并刀難剪離愁千縷。

白石自序云桓大司馬云昔年種柳依依漢南今
看搖落悽愴江潭樹猶如此人何以堪此語余深
愛之

八聲甘州

秋怨

柳永

對蕭蕭暮雨灑江天。一番洗清秋。漸霜風淒緊關河
冷落。殘照當樓。是處紅衰綠減。苒苒物華休。惟有長

後此情形
不言可喻

村語化韻
泰語化繁

江水無語東流。不忍登高臨遠。望故鄉渺邈。歸思
難收。歎年來踪跡。何事苦淹留。想佳人粧樓頤望。誤
幾回天際識。歸舟爭知我倚闌干處。正恁凝愁。愁一作
作脾

東坡云人皆言柳耆卿詞俗如霜風淒緊關河冷
落殘照當樓唐人佳處不過如此

詠蛙

劉基

問青蛙有底不平。鳴真個爲公私。向汗泥曳足。蹄涔
接腋。缺甃持顛。斷續儀同歌吹。羹沸絲萍池。鐘鼓難
成響。而况填篋。曾記江湖烟雨。被枕邊譁噪刺耳。

出聲聲
被聲以甚
蛙之罪

如錐擁輕裘孤坐愁到曉雞時道巴猿聲聲是淚細
看來不似此聲悲應知得灑灰著令千載無疑。

晉惠帝不慧聞上林蛙鳴問左右曰爲公平爲私
乎○莊子坎井之蛙謂東海之鱉曰吾跳梁乎井
幹之上入休乎缺甃之崖赴水則膝腋持願蹶泥
則投足滅跖蚌解與蜎蚪莫吾若也○周禮秋官
蠲氏掌去蛙鼃焚牡鞠以灰灑之則死以其烟被
之則生

古今詞統卷十二

終